

CAPRIFOLIUM JAPONICUM, Schult.

C: caule subscandente, foliis omnibus distinctis ovato-oblongis acutis supra lucidis subtus glaucescenti-pubescentibus, floribus binis terminalibus sessilibus.

Crescit: e Japonia et China introductum.

Floret: omni tempore.

Nomen:

MASTIXIA, Bl.

Flores tetrandri vel pentandri. *Calix* superus, 4-5-dentatus. *Petala* 4-5, ovata, basi latiora. *Stamina* dentibus calicinis opposita; antherae introarsae, didymae. *Ovarium* inferum, ovulo pendulo. *Stylus* brevis, disco cinctus; *stigmatibus* obtusis. *Drupa* baccata, umbilicata, nuce rugosa 1-sperma. *Embryo* in albumine inversus.

MASTIXIA PENTANDRA, Bl.

M: foliis alternis oblongis acuminatis glaberrimis, corymbo terminali, floribus pentandris (Arbor 50-50 ped. alt.).

Crescit: in sylvis altioribus montium Salak, Burangrang.

Floret: Julio; Decembri.

Nomen: Huru lilin.